



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1862**

XLI. Arnold, Bischof von Havelberg, confirmirt dem Kloster Diesdorf das  
Patronat der Kirche zu Rehfeld, am 11. Juni 1307.

---

---

**Nutzungsbedingungen**

[urn:nbn:de:hbz:466:1-55716](https://nbn-resolving.org/urn:nbn:de:hbz:466:1-55716)

XL. Markgraf Hermann übergiebt dem Kloster Diesdorf die Kirche zu Rehfeld,  
am 27. Mai 1307.

In nomine domini Amen. Vt ea, que aguntur in tempore, simul sub temporis decuribus non labantur, neque obliuionis matri, que plerumque errorem inducit, malignandi oportunitas prebeatur; cautum est, vt Scripturarum et testium legitimis roboventur documentis. Eapropter Nos Hermannus, dei gracia Marchio Brandenburgensis, tenore presentium vniuersis ac singulis, quibus presens scriptum fuerit exhibitum, recongnoscimus publice protestantes, quod Proprietatem, que nobis in Ecclesia siue in bonis Ecclesie in Reuelde competere noscebatur, cuius quidem Ecclesie Presentacio ad fratres, scilicet Heinricum et Bertholdum, dictos de Reuelde, spectare noscitur, dedimus, donauimus, damus, donamus et assignamus Monasterio in Distorpp, perpetuis temporibus iusto proprietatis titulo et cum omni vtilitate tituli proprietatis, prout nos habuimus, Habendam et possidendam, vt ex eo nobis merces in futuro seculo preparetur eterna. Renuntiantes dicte proprietatis iuri, quoad nos et heredes nostros, prout possibile fuerit atque iustum. In cuius rei testimonium euidens presentes litteras dicto monasterio in Distorpp sigilli nostri munimine dedimus consignatas. Actum et Datum Arneburch, Anno domini M<sup>o</sup>. CCC<sup>o</sup>. VII<sup>o</sup>. VI<sup>o</sup>. kalendas Junii, Presentibus Dominis Heinrico de Aluenfleue, Bernardo de Plozek, Heinrico Schenken, Droysekino Dapifero, Slothekino, nostro notario, necnon pluribus aliis Satis Dignis.

XLI. Arnold, Bischof von Havelberg, confirmirt dem Kloster Diesdorf das Patronat der Kirche  
zu Rehfeld, am 11. Juni 1307.

Arnoldus, dei gracia Havelbergensis Ecclesie Episcopus, dilectis ac Religiosis in christo dominabus . . . . . abbatisse . . . . . priorisse totique conuentui Monasterii in distorpp ordinis Sancti augustini, verdenfis dyocesis, cum deuotis oracionibus sinceram in domino karitatem. Iustis petencium desiderijs pium est facilem prebere assensum, et uota, que a rationis tremite non discordant, effectu prosequente complere. Eapropter vestris iustis postulacionibus, ad vestre releuamen inopie, affectuosius inclinati, donacionem et translationem puram et liberam iuris patronatus Ecclesie in uilla Reuelde nostre dyocesis, factam ab illustri principi domino Hermanno, marchione de Brandenborch, de consensu et voluntate libera Henrici et Bartoldi, fratrum, dicti (sic) de Reuelde, ad quos ius presentandi personam ydoneam sine contradiccione qualibet pertinebat, cuius eciam iuris patronatus proprietas ad iam dictum spectabat principem, vobis et vestro cenobio, in quo estis diuino obsequio mancipate, prout per ipsius principis patentes litteras, super dicta donacione et translatione vobis datas, apparet expresse, cum omni iure, dominio et Seruicio, prout habebant, sibi in eo et de eo nichil penitus retinendo, graciose gratam at ratam habemus et habebimus et in domino confirmamus, et ipsam Ecclesiam indulgendo vestro monasterio incorporamus, ut de ipsa agatis et faciatis, prout iuris fuerit et vobis expediens videatur, Saluo

tamen iure prelatorum et aliorum, quorum interest in presenti et in posterum poterit interesse, quibus per dicti principis donacionem et nostram confirmationem grati et rati habicionem nullum volumus penitus in presentiarum et in posterum preiudicium generari, Sed eos illesos in omnibus conferuare. Vt autem uobis predicta donacio et nostra confirmacio, grati et rati habicio firma et a quolibet permaneant inuoluta, Ac in ipsius evidens testimonium perpetuum, presentes litteras de nostra certa sciencia atque iussu conscriptas vobis damus Sigilli nostri munimine roboratas. Facta est autem hec confirmacio in curia nostra magdeborch presentibus viris domino Gerberto dicto Smuek canonico sancti Sebastiani in Magdeborch, magistro Johanne Gruwelhut, domino alberto de Reuelde plebano in Gorliz, Conrado cappellano nostro, necnon domino Gerhardo milite de wadescinkel, et aliis quam pluribus fide dignis ad hoc rogatis et vocatis, Anno domini Millefimo Trecentesimo Septimo, in die Sancti Barnabe apostoli, pontificatus nostri anno III<sup>o</sup>.

XLII. Gottfried von Thun, Knappe und Burgmann zu Thun, verkauft dritthalb Hufen in Döhren an das Kloster Diesdorf, am 8. September 1307.

Ego Godefridus famulus, dictus de Tvnis et Castellanus ibidem, Recognosco tenore presentium et protestor, Quod ego de communi consilio et consensu legitimorum Heredum meorum Honorabili viro domino Alverico, preposito in distorp, vendidi duos mansos et dimidium in villa doren Jure perpetuo possidendos Cum tali Jure, quo ego eos Habui et possedi. In cuius facti testimonium prefens Scriptum Sigilli mei duxi munimine roborandum. Datum Tunis, Anno domini M<sup>o</sup>. CCC<sup>o</sup>. VII<sup>o</sup>., In die natiuitatis virginis gloriose.

XLIII. Gerhard, genannt Wolff und von Bezendorf, verkauft dem Kloster Jsenhagen vier Hufen mit ihren Einkünften zu Jubar und neun und eine halbe Hufe zu Ludelsen, am 23. August 1308.

Nos Gherardus, miles, dictus lupus et de betzendhorpe, Notum esse volumus tam presentibus quam futuris, quod nos vnanimi consensu et rati habicione fratrum nostrorum et patrum nostri Hermanni, Honorabili viro domino Johanni preposito totique conuentui in ysenhagen in villa, Jubere nuncupata, uendidimus quatuor mansos, ex quibus proueniunt in reddito Annuali duo quadrantes filiginis et duo quadrantes Auene, et in villa ludelsen nouem mansos et dimidium, ex quibus proueniunt sex quadrantes filiginis, et apud ipsam villam molendinum simul